



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 107. Lites circa Jurisdictionem Ecclesiasticam rursus contra sanctum
Carolus motæ.

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

Sæcul. XVI.
A.C. 1577. gesimalem abstinenciam ipsa hac prima
Dominica die inciperet, tam prospero
succesu, ut mox Laici pium hoc Cle-
ricorum exemplum sequerentur, utque
Sanctus Carolus sacrum hunc usum
omnino stabilem, ac perennem redde-
ret, hac de re edictum promulgaret
postea in quodam provinciali Concilio
confirmatum. Ab illo temporis ar-
ticulo jam prima die dominica quadra-
gesimale jejunium Mediolani inchoa-
tur, atque ad triginta sex dies pro-
trahitur: verum quantumvis Sanctus
hic Archiepiscopus sua agendi ratione,
quam universa Europa non sine summa
admiratione deprædicabat, ingentem
sanctitatis famam sibi conciliasset, ni-
hilominus Deo illum adhuc exercitare
placuit novis vexationibus, quas huic
sancto Viro iidem inferebant, qui tamen
ob maxima beneficia eidem plurimis
titulis obstricti erant.

§. CVII.

*Lites circa jurisdictionem Ecclesiasti-
cam rursus contra Sanctum Caro-
lum motæ.*

Giuss. l. 5.
c. 5.
Carol. Bas-
gap. & Ri-
pamont. in
vita S. Car. Vix pestis violentia penitus erat extin-
cta, cum illico novus Mediolanen-
sium Gubernator, qui Ludovico Reque-
senio successerat, pristinam controver-
siam a duobus illius Prædecessoribus
agi

Sæcul. XVI.
A. C. 1577.

agitata circa Jurisdictionem Ecclesiam denuo innovaret; jam enim primo sui regiminis anno in sanctum hunc Virum indignationem concipiebat, tum ob anathematis pœnam contra suum prædecessorem vibratam, tum propter exprobationem, quam subire cogebatur, eo quod grassante lue populum deseruisset, cum tamen eo tempore Gubernatoris præsentia oppido necessaria fuisset: huic quoque accesserant duo præcipui Senatores, quos Sanctus Borromæus ob vitæ suæ licentiam acrius increpabat: ergo hi tres una omnes Romanam quemdam Doctorem Carolo pessime affectum ablegant, ut eorum querelas contra Sanctum Archiepiscopum ad Sacram Sedem deferret: præcipua vero accusationum capita erant sequentia: I. Carolus Archiepiscopus Ecclesiasticos ab obedientia, quam Magistratus decretis circa politicum regimen, urbisque tranquillitatem latis debent, tempore pestis eximere attentabat. II. Periculosas novitates introduxit. III. Publicos ludos, choreas, & spectacula abrogavit. IV. Veterem prima quadragesimæ Dominica carnibus vescendi conuetudinem abolevit, quamvis Mediolanensi urbi diuturna hujus usus possessio suffragaretur, vi cujus eadem dies adhuc inter bachanalitia festa semper re-

Sæculi XVI**A. C. 1577**

censebatur, ita, ut jejunii verni tempus a sequenti feria secunda inchoaretur. Insuper Gubernator nullum non movebat lapidem, ut etiam Religiosos adversus sanctum Præsulem concitaret, eoquod in sua urbe, ac Diœcesi in variis Conventibus pristinum vitæ rigorem revocasset, ac propterea quorundam regularium odium sibi accersivisset.

Pariter nonnulli Magistratus, quos Gubernator ad sua pertraxerat studia, suas quoque querelas adversus sanctum Carolum ad Hispaniæ Regem deferabant, illumque traducebant, veluti Virum ambitiosum, ac temerarium, qui omni data occasione regiam jurisdictionem labefactare, atque regiæ auctoritati insidiari moliretur. Enimvero horum fraudibus ipsa etiam Regis Catholici religio circumveniebatur, eoquod Rex jamjam in mandatis dedisset, ut quidam sancti hujus Præsulis Ministræ caperentur, atque Episcopalis jurisdictionis munia exercere prohiberentur, quinimo contra ipsum Archipræsulem famosi divulgabantur libelli injuriis, ac calumniis scatentes, quibus etiam sancti Caroli Parentes, amici, pluresque Viri alias pietatis studiosi præprimis iracundati erant ob spursum rumorem, quod Regis indignationem incurrisset.

hinc

hinc eidem timorem injicere tentabant : **Sæcul. XVI.**
 verum Sanctus Carolus inter medias sæ- **A. C. 1577.**
 væ hujus tempestatis procellas semper
 animi sui serenitatem conservabat, unice contentus, quod rectæ mentis suæ
 testem haberet Deum, a quo sibi hanc calamitatem immitti credebat: quapropter calumniis, suorumque hostium insultibus nil nisi faustas preces opponere statuit: cum vero hominum nequitiam Christiana hac patientia abuseram intelligeret, quemdam probatæ fidei Virum, qui Papam, & Regem de tota rei serie edoceret, Romam, necnon in Hispaniam decernere, suarum partium esse censuit. Hac provincia Carolus Baskapensis Episcopus integra fide fungebatur; quippe summus Pontifex hæc querelas adeo flocci pendebat, ut cuncta accusationum capita ad ipsum Sanctum Archipræsulem remitteret; hic vero de his nequidem mentionem fecit, minus ullum indignationis signum edidit, unice ad Pontificem rescribens, quod summas rependeret grates pro paterna illius sollicitudine, qua ipsius famam tueri, suumque affectum erga ipsum novo specimine testatum reddere voluit.

Sæcul. XVI.

S. CVIII.

A.C. 1577.

Initia Fulienfis Congregationis a Joanne Barriero erectæ.

*Thref. chron.
Et hift. de D.
Pierre de S.
Romuald
Fevilland t.
3. p. 679.*

Hoc anno die fecunda Maji Ordinis sancti Bernardi reformatio sub nomine Fulienfis Congregationis Beatiffimæ Virginis, & Sancti Bernardi de Pœnitentia fuum initium habuit, opitulante Joanne Barriero, qui Anno Domini millesimo quingentefimo quadragesimo quarto in Turrenensis Vice-Comitatus oppido Sancti Seri natus, Fulienfis Abbas in Rivienfi Diœcefi erat. Hic anno Christi millesimo quingentefimo sexagesimo quinto accepta hujus beneficii poffefione, ut ibidem ftudio- rum, quæ Burdegalæ, & Tholofæ inceperat, curriculum emetiretur, Lutetiam Parisiorum contendit, ad quam urbem adspirantis fortunæ beneficio comitabatur percelebrem Arnaldum Olfatum, qui ibidem Paulo Fuxienfi Tolofano Archiepifcopo, ac pofttea Cardinali a fecretis erat: porro cum pio fuam Abbatiam emendandi, feque novæ reformationis primum executorem exhibendi propofito unice intentus effet, hinc jam a longo tempore nonnifi quædam legumina modico fale, atque aceto condita comedere, ab ipfo etiam pane, & vino abftinere, humique cubare affueverat.